



## **Historia De Sanctissima Crvce Caravacensi**

**Robles, Juan de**

**Augustae Vind., 1619**

XII. Sacerdos quidam à Toletana Ecclesia missus S. Crvcem abstulit, quæ  
tamen prodigiosè restituta est.

---

[urn:nbn:de:hbz:466:1-64232](#)

ca, quæ in archiuo custodiebantur, ynâ cu n toto oppido à Man-  
ris exulta tempore Petri Lopezij Faxardi.

## CAPVT XII.

*MISSVS A TOLETANA ECCLESIA  
sacerdos S. CRUCEM abstulit, qua tamen miraculo re-  
stituta est.*

**C**araaucenses quasi in matrem sibi asciuerunt S. CRUCEM, agnoueruntque semper & deprædicarunt cum grati animi significatione beneficia à Deo per ipsam sibi præstata. Vnde quicquid honoris, quicquid obsequij, quicquid curæ & diligentie ex cogitare potuerunt, ad hanc ornandam & colendam contulere. Et ideo ad eam tutò conseruandam cōmuni consilio decreuerunt vt semper vir aliquis, cuius fides minimè suspecta, in sacello per uigilaret & excubias ageret; quia illis temporibus Manri regni Granatensis incolæ, in propinquo erant, & Caraaucenses perpetuò in armis esse oportebat, tum ad oppidi ipsius defensionem, tum ad CRVCIS sanctissimæ custodiam; quæ tanquam mater fiddissima filiorum suorum vigilantiam compensauit vigilancia accuratiore. Quoties enim grauius Reip. periculum impendebat, toties signo quodam expresso suos præmoniebat, vt cauerent, ideoque eam semper thecæ inclusam super altare colloca- bant, certi quod Mauros regionem incurfatuos, intra capsam edito sonitu, proderet; quo auditio ille, cui vigilandi munus ordine per vices redeunte incumbit, confessim ære campano ciues exciebat, vt tempestiuè Mauris occurrerent, & imparatos adorirentur. Ex quo factum vt Mauri plerunque sua spe frustrati, & sèpè etiam cum magna suorum iactura domum reuerti cogerentur. Illudque animaduersum est non raro, quod Caraaucenses vel iam essent in itinere, vel cum hostibus iam congrederentur, quando exploratores, eorum aduentum perfumum in speculis ad duo vel tria millaria ab oppido dispositis significabant. Cuius rei causam quia Mauri curiosiis indagabant, non pauci ex prudentioribus, à Mahomete abducti, & ad Christum adducti sunt.

Toletana igitur Ecclesia, vt ab antiquis traditum accepimus, superuacaneo quidem, sed pio quodam metu impulsâ magnum adhibuit

adhibuit studium & industriam, vt S. CRUCEM in suam ciuitatem, veluti locum tutiorem, transferre posset, ne in potestatem Maurorum aliquando deueniret, qui frequentibus excursionibus Carauacam regno Granatenſi conſinem infestabant.

Cum ſæpius itaque consilij ſui rationem Carauacensis Ecclesiæ ſacerdotibus & ſenatui expoſuiffent, votique nunquam fieri potuiffent compotes, ſtatuerunt per occultas machinaciones eam ſibi vendicare. Quem in finem tempore Cardinalis Franciſci Ximenij Cifnerij, vt creditur, miſſus eſt Carauacam ſacerdos, vir humanitate & morum ſuauitate amabilis, qui ſe dextrè in clericorum coētum inſinuaret, omnemque captaret occaſionem S. CRUCEM clanculum auferendi, & per anfractus, viasque oblique Toletum deferendi. Nec defuit partibus ſuis ſacerdos, receperitque eſt facili negotio propter modetiam & maturam grauitatem in numerum clericorum, adeoque probauit omnibus honestam viuendi conſuetudinem, vt breui ei fuerit cura ſacrarij ecclie parochialis in hoc oppido credita, & post paulum etiam ipſius facelli S. CRUCIS administratio. Labuntur interim ſex anni, & ille ſacrifiani munus eò diligentius obit, quò magis exspectat in dies opportunitatem ſui deſiderij explendi, quam tandem hac ratione nactus eſt.

Nocte quadam Alphonſo Santiez Carauacensi ciui, viro alias honorato & fidissimo peruigilandum fuit in facello S. CRUCIS, non ſolū ut theſaurum cuſtodiret ex more, ſed ut attenderet an ſtrepitus intra capsam audiretur. Compulſus ille corporis neceſſitate, deſeruit ſtationem, & in ſuum locum ſacerdotem Toletanum ſubstituit, rogauitque maximè obſeruaret ſtrepitum, ſi quis intra hierothecam aures percelleret. Promiſit ſacerdos libe‐raliter; ſed tantum promiſit. nam diu optata occaſione tandem potitus, S. CRUCEM ab altari diripit, in peram paſtoritiam recondit, festinus ex arce & oppido profugit, & viam Almonazim verſus legit. Huc ubi peruentum, ille gaudio geſtiens capsam aperi‐re occupat, nihilque aliud inuenit, quam ſcripta quædam & teſtimonia de S. CRUCIS apparitione, & miraculis, que tamen poſtea nunquam reſtituta. Prædictus igitur Alphonsus Santiez ad facellum iteratō regressus statim notat pignus nobilissimum fur‐

F 3 to auer-

to auersum, vehementerque perturbatus populo tristem casum exponit. Vbi sacerdotem nusquam comparere conspiciunt, sibi facile persuadent illum sacrilegij auctorem. Itaque mora nulla, expediunt equites & pedites, qui itinera omnia obsideant, & vbi vbi deprehensem Carauacam retrahant. Frustra susceptus in quærendo labor; reperiri non potuit. Dum itaque populus hoc infornatio maestatus, lamentis & quarelis indulget, ecce summo mane vir quidam non abiectæ conditionis, incola Moratallensis, accurrit, qui ait se vidisse S. CRUCEM inter duas faces ardentes in sublimi collis vertice vulgo *delas cruces* appellati, quod nomen ab hoc euentu inditum constanter retinet, eoque loco cœnobium Franciscanorum est conditum. Exhilaratus tam fausto nuntio populus, omnibus negotijs posthabitatis confluxit, & instituta supplicatione ad demonstratum à ciue Moratallensi collem profecti summa cum veneratione & gratulatione S. CRUCEM in sacellum arcis Carauacensis reportarunt. In ipso autem colle, vbi CRUX constitit, fons erupit, qui non prius fluere destitit, quam ob nescio quod piaculum ibi admissum vena exaruit.

Senatus porro Carauacensis memor indignitatis & iniuriæ item intendit Capitulo Ecclesiæ Toletanæ, tum propter S. CRUCEM fraude interceptam, tum propter scripta & monumenta à sacerdote sibi erpta; ne tamen fateri cogeretur, quod suo iussu patratum, reddere nunquam consensit. Et quamvis in hac controværia definienda multum laborarit Ferdinandus Lopezius sacerdos Carauacensis, vir insigni pietate conspicuus, & B. Virginis, quæ infantulo apparuit, & S. CRUCIS, quam bonorum suorum ex alse hæredem instituit, cultui valde addictus; spem tamen indubitate victoriæ intercidit mors Præsidis regij consilij. Idem nihilominus Ferdinandus, cùm sanctæ inquisitionis ageret ministrum in ciuitate Murciensi, ab ipsomet Inquisitionis magistratu Carauacam missus fuit anno M D XL I X. vt à viris senio & auctoritate grauibus, vera documenta sumeret de apparitione S. CRUCIS, & miraculis per eam factis, simulq; intelligeret, quo tempore, quóque modo scripta & testimonia per sacerdotem subtræcta sint. Me itaque urgente, idem Ferdinandus Lopezius tum nonagenarius, de utroque capite publicas curauit dari litteras per Notarium legitimum,

mum, conuenienter ijs, quæ hīc & superiūs commēmorauimus.

## CAPVT XIII.

IN CIVITATE BAEZA PER S. CRVCEM  
*Carauacensem editur miraculum.*

**A**BEN-MAHOM AT suopte nutu arcem Baēzensem Ferdinando regi Castellæ donauit. Quamobrem suspicati Mauri ciuitatis incolæ, hominem in Christianam religionem propendere, eum occiderunt, anno M c c x x v. cuius filius ei cognominis, non immerito, ne idem sibi quod parenti, contingere, veritus, ad aulam Ferdinandi regis se contulit; ubi Christiana fide suscepit, Ferdinandi nomen in Baptismo assumpsit; cuius familia etiam hodie in Bœtica illustris propagatur. Ex interitu igitur Regis, & absentia filij, occasionem arripuerunt Mauri obsidendi arcem, quæ in potestate Ferdinandi regis Castellæ, cuius nomine præsidebat ei Gonzalus Iagnes de Noboa Ordinis Calatruæ Magister, quam strenue & fortiter ad tempus propugnabat. Verum quia præsidarij nihil minus quam periculum à Mauris expectabant, & cum occiso Rege & filio diuturnam amicitiam colebant, non erant solliciti de annonâ in futurum comparanda, de munitionibus vel extruendis, vel reficiendis, deque rebus necessarijs ad defensionem tempestiuè procurandis. Itaque spe obsidionis tolerandæ depositâ, consilium ceperunt arcem deferendi, & Maurorū violentiam euadendi. Quod ut occultius fieret, curarunt equorū vngulas inuersis soleis indui, ut Mauri ex retrogradis vestigijs definerent eos persequi, & simul opinarentur aliunde missum subfidium. Quamobrem nocte proxima per posticum egressi, arcem hominibus vacuam reliquerunt. Vix dimidiatum milliare emensi, retrorserunt oculos ad arcem, videruntque super portam principem, crucem quadam mirè coruscantem, nec tamen propter spatiū æquo longius, formam eius potuerunt discernere. Hoc cœlesti prodigo stupefacti damnarunt consilium de suo discessu; quod ut meliore corrigerent, statuerunt reuerti. Equis ergo more visitato calceatis, inuaserunt prædium quoddam Maurorū, asportatoq;